



Bou ons kinders vir môre

Sondagskool 2

Lestitel: Wat apostels doen (2)

'n Ouerhandleiding

Sondagskooltuisonderrig



Liewe Ouer

Welkom by die les: “**Wat apostels doen (2)**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Wat apostels doen (2)
Bybelwoord	Mattheus 28: 19 – 20
Lesdoelwit	Die kinders leer om die lewende apostels wat in die naam van Jesus regoor die wêreld dien, te respekteer en te waardeer.

Lesopsomming:

- Die les gaan voort met die dogtertjie Simone, wat 'n paar dae by haar ouma deurgebring het.
- Haar ouma het haar vertel dat die apostels belangrike take van Jesus ontvang het. Hulle sou Jesus Christus op aarde verteenwoordig tot sy wederkoms.
- Hulle het 'n nog belangriker taak vanaf Jesus gekry om “uit te gaan en al die nasies te leer”.
- Die apostels onderneem lang reise om by God se kinders regoor die wêreld uit te kom.
- Terwyl hulle foto's in ons kerktydskrif deurgekyk het, het sy opgemerk dat een godsdienst nie in 'n kerk was nie. Haar ouma het toe verduidelik dat die woord van God nie net in kerke verkondig word nie. Sommige gemeentes het nie kerkgeboue nie en het godsdienste in sale of in huise van mense.
- Die apostels is oral aktief.
- Die lang reise van die apostels is baie uitputtend, daarom is dit belangrik dat ons altyd vir die stamapostel, apostel en ander diensknegte bid en vir die Here vra om hulle te beskerm.
- Hulle het die gebede van al die kinders van God nodig, sodat hulle hul groot take kan uitvoer.

Wat beteken hierdie les vandag vir ons?

- Die apostels werk in die naam van Jesus regoor die wêreld.
- Hulle leer en versterk die siele wat aan hulle sorg toevertrou is.
- Hulle doop, verseël en vergewe sondes in Jesus se naam.
- Hulle verordineer diensknegte om met die versorging van God se kinders te help.
- God se kinders is bly en dankbaar dat hulle hierdie apostels regoor die wêreld het.



Onthou altyd om vir al ons apostels en diensknegte te bid. Vra vir beskerming en leiding van God, terwyl hulle sy woord aan al die mense in die wêreld verkondig totdat Jesus ons kom haal.

Sommige vrae wat ons kan vra:

Vraag: Wat is die belangrike taak wat die apostels van Jesus Christus ontvang het?

Antwoord: "Gaan uit en leer al die nasies".

Vraag: Waarom moet ons vir die apostels en diensknegte bid?

Antwoord: Hulle reis dwarsoor die wêreld om die evangelie van Jesus Christus te verkondig.

Vraag: Vir wie verteenwoordig die apostels op aarde?

Antwoord: Jesus Christus

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders, Mag ons u teenwoordigheid aanvoel

Seën die les wat ons gaan hê

Leer ons hoe om U te dien, En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.